

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U V.M  
Broj: 41 0 K 093825 23 K  
V., 29.08.2023. godine

## U IME FEDERACIJE BOSNE I HERCEGOVINE

Općinski sud u V.m, po sudiji A. A. uz sudjelovanje zapisničara S. D., u krivičnom predmetu protiv optuženog L. S., zbog krivičnog djela zloupotreba položaja ili ovlaštenja iz člana 383. stav 1. KZ F BiH, rješavajući po optužnici Kantonalnog tužilaštva-tužiteljstva Zeničko-dobojskog kantona broj T04 0 KTPO 0042054 20 od 27.01.2023. godine, nakon zaključenog glavnog javnog pretresa, održanog dana 29.08.2023. godine u prisustvu Kantonalnog tužitelja Č. E. , optuženog L. S. i branioca optuženog Č. M. advokata iz V., donio je i javno objavio :

## P R E S U D U

**OPTUŽENI: L. S.**, sin A. i majke F. rođene T., rođen ..... godine u S., nastanjen u V., P. broj 3, po zanimanju dipl. ekonomista, zaposlen“T.“d.o.o.V., oženjen, otac troje djece, srednjeg imovnog stanja, B. državljanin BiH, JMBG ....., neosuđivan,

## K R I V J E

što je,

- **u svojstvu odgovorne osobe**, kao osnivač zajedno sa T. B. i kao direktor Društva „G.T.“ d.o.o. V., u kojem svojstvu zastupa i predstavlja Društvo i odgovoran je za zakonito poslovanje Društva, te je dužan da sprovodi zakonske propise u smislu odredaba člana 23. i 24. Zakona o privrednim društvima F BiH i člana 35. Ugovora o osnivanju društva sa ograničenom odgovornošću “G.T.”d.o.o. V., kao i da je ovlašten da odlučuje o svim važnim pitanjima i donosi odluke u vezi sa upravljanjem i rukovanjem imovinom u smislu člana 2. stav 6. KZ FBiH,

- **u kojem svojstvu je bez opravdanih razloga donio odluku o prodaji imovine Društva u vrijeme kada je isto otežano poslovalo i teško obezbjeđivalo finansijska sredstva za tekuće poslovanje**, kao i bez prethodnog utvrđivanja tržišne vrijednosti imovine po ovlaštenom procjenitelju što je suprotno odredbama tačke 32. Međunarodnih računovodstvenih standarda,

### - pa je iskoristivši službeni položaj i ovlaštenja

u periodu od početka januara 2019. godine do kraja aprila 2019. godine u V., u navedenom svojstvu odlučio da izvrši prodaju „Proizvodnih linija 1, 2 i 3“ ukupne knjigovodstvene vrijednosti u visini od 284.425,00 KM koje su kupljene od „M.I.I.“ S.A.D. i putem lizinga-VB Leasing, iako je bio svjestan da ih prodaje po cijenama koje su znatno niže od knjigovodstvene vrijednosti i da njihovom prodajom ugrožava poslovanje Društva, što je i htio, pa je sve tri Proizvodne linije prodao Društvu „T.“ d.o.o. V. čiji je osnivač“T.I.” USA, kao jednom od povjerilaca tog Društva i to: dana 29.01.2019. godine „Proizvodnu liniju 1“ za iznos od 7.605,00 KM, dana 06.02.2019. godine „Proizvodnu liniju 3“ za iznos od 3.744,00 KM, a dana 30.04.2019. godine „Proizvodnu liniju 2“ za iznos od 3.159,00 KM, a zatim iako je od tog dobijenog novca i priliva gotovog novca na transakcijskom računu imao dovoljno sredstava, prestao nakon 08.02.2019. godine plaćati iznose od po 500 USD prema svom

povjerioci firmi "M.I.I."S.A.D. po osnovu sudske nagodbe zaključene dana 01.10.2015. godine, pa je na opisani način oštetio firmu "M.I.I."S.A.D. za neplaćene preostale obaveze po navedenoj nagodbi u visini od 38.500 USD odnosno 66.372,38 KM, što je i htio, kao i Društvo "G.T."d.o.o. V. za navedeni iznos,

čime je počinio krivično djelo zloupotreba položaja ili ovlašćenja iz člana 383. stav 1. KZ F BiH.

Pa sud optuženom na osnovu istog zakonskog propisa: te na osnovu članova: 42., 49. i 62. KZ FBiH, **i z r i č e**

### **USLOVNU OSUDU**

Kojom se optuženom za počinjeno krivično djelo utvrđuje kazna zatvora u trajanju od 7(sedam)mjeseci, a koja se neće izvršiti ako optuženi za vrijeme od 2(dvije)godine ne počini novo krivično djelo.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala 20,00 KM i troškove postupka u iznosu od 926,65 KM, sve u roku od 30 dana, po pravosnažnosti presude pod prijetnjom izvršenja.

Na osnovu člana 212. stav 3. ZKP FBiH oštećeni firma "M.I.I."S.A.D. se sa imovinsko pravnim zahtjevom upućuje na parnični postupak.

### **Objasnenje**

Kantonalno tužilaštvo Zeničko-dobojskog kantona (u daljem tekstu KT ZDK), optužnicom broj T04 0 KTPO 0042054 20 od 27.01.2023. godine, optužilo je L.S. zbog krivičnog djela i to : zloupotreba položaja ili ovlašćenja iz člana 383. stav 1. KZ F BiH, (Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), (dalje u tekstu KZ FBiH),

Optužnica je potvrđena od strane sudije za prethodno saslušanje ovog suda dana : 07.02.2022. godine. Dana 14.07.2023. godine na ročištu o izjašnjenju o krivnji, optuženi L.S. je izjavio da nije kriv za krivična djela koja mu se stavljaju na teret.

Na glavnom pretresu održanom 29.08.2023. godine, prije izvođenja dokaza, optuženi L.S. priznao je krivnju za krivično djelo zloupotreba položaja ili ovlašćenja iz člana 383. stav 1. KZ F BiH, a njegovo priznanje je prema ocjeni ovog suda u saglasnosti sa dokazima u koje je sud izvršio uvid i to: Zapisnik o saslušanju svjedoka H. D., advokat iz S., ul. M. broj 4-D. I., kao ovlašćeni predstavnik "M.I.I."S.A.D., Nalaz i mišljenje e vještaka R. H. od 05.12.2022. godine, Podnesak H. D., advokata iz S. od 24.11.2022. godine u prilogu kojeg se nalazi: punomoć za zastupanje „M. I. I.“ i zapisnik o pripremnom ročištu i sudska nagodba Općinskog suda u Sarajevu od 01.10.2015. godine. Naredbu Općinskog suda u Visokom broj 41 0 K 093825 22 Kpp od 25.07.2022. godine. Dopis UniCredit Bank od 03.08.2022. godine u prilogu kojeg se nalaze: izvodi računa za period 01.01.-31.12.2018. godine i 01.01.-31.12.2019. godine, ugovori o otvaranju i vođenju računa od 11.06.2018. godine, te dva od 18.06.2018. godine, tri kartona deponovanih potpisa i pregled naloga prinudne naplate, Dopis Finansijsko informatičke agencije S. broj 05-1-11-16-3128-2/2022 od 30.06.2022. godine u prilogu kojeg se nalaze: dopis "G.T."d.o.o. V. broj 01-02/2017 od 28.02.2017. godine sa izvještajem uz godišnji obračun za 2016. godinu i priložima, dopis "G.T."d.o.o. V. broj 01-02/2018 od 28.02.2018. godine sa izvještajem uz godišnji obračun za 2017. godinu i priložima, dopis "G.T."d.o.o. V. broj 01-02/2019 od 28.02.2019. godine sa izvještajem uz godišnji obračun za

2018. godinu i priložima i dopis "G.T."d.o.o. V. broj 01-02/2020 od 28.02.2020. godine sa izvještajem uz godišnji obračun za 2019. godinu i priložima, Dopis Općinskog suda u Zenici, Odjeljenje registra broj 043-0-RegZ-21-000115 od 14.01.2021. godine sa aktuelnim izvodom iz sudskog registra od 13.01.2021. godine za pravno lice „T.“, Historijski izvod Općinskog suda u Zenici, broj 043-0-RegZ-21-000116 od 18.01.2021. godine u prilogu kojeg se nalaze: Rješenje o upisu „G.T.“ Općinskog suda u Zenici broj 043-0-Reg-07-001861 od 04.10.2007. godine, Rješenje o registraciji „G.T.“ Općinskog suda u Zenici broj 043-0-Reg-12-000181 od 23.03.2012. godine i Rješenje Općinskog suda u Zenici broj 43 0 L 182231 L od 02.09.2020. godine, Dopis L.S. od 29.03.2021. godine u prilogu kojeg se nalaze: commercial invoice od 18.07.2009. godine, računi „VB Leasing“ broj 000... i broj 000... od 31.01.2012. godine i kartica kupaca za 2019. godinu, Račun/Otpremnica "G.T."d.o.o. V. broj T-002/19 od 29.01.2019. godine i broj T-011/19 od 30.04.2019. godine, Naloge za plaćanje u inozemstvo „G.T.“ od 27.01.2016. godine do 01.12.2016. godine (ukupno 10 naloga), od 11.01.2017. godine do 22.02.2017. godine (ukupno 12 naloga), od 24.01.2018. godine do 04.12.2018. godine (ukupno 9 naloga), te od 08.02.2019. godine sa odgovarajućim izvodima UniCredit Bank o izvršenom plaćanju, Dopis L.S. od 15.12.2020. godine u prilogu kojeg se nalaze: izvodi UniCredit Bank: broj 2 od 16.04.2009. godine, broj 7 od 07.07.2009. godine, broj 8 od 16.07.2009. godine, broj 18 od 17.11.2009. godine i broj 19 od 23.11.2009. godine, ugovor o zajmu broj 04/11 od 21.07.2011. godine, ugovor o zajmu broj 01M/12 od 22.03.2012. godine, tužba H. D., advokata, od 25.04.2014. godine, Obavijest Općinskog suda u Zenici broj 43 0 St 194511 21 St od 19.05.2021. godine u prilogu kojeg se nalazi: prijedlog za otvaranje likvidacionog postupka od 27.02.2020. godine, odluka o prestanku rada i pokretanju likvidacije društva od 27.02.2020. godine, rješenje Općinskog suda u Zenici broj 43 0 L 182231 20 L od 02.09.2020. godine, nalog za plaćanje poreznih obaveza Kantonalni porezni ured Z. od 16.04.2020. godine, rješenja o pokretanju postupka prinudne naplate Porezna uprava FBiH, Kantonalni porezni ured Z. od 08.05.2020. godine, od 13.01.2020. godine, od 15.10.2018. godine, od 25.07.2019. godine, od 06.03.2017. godine i dopis Kantonalnog poreznog ureda Z. broj 13-4-04-08-5-1118/20 od 24.09.2020. godine, izvještaj likvidatora advokata Č. M. od 11.02.2021. godine, rješenje Općinskog suda u Zenici broj 43 0 St 194511 21 St od 26.05.2021. godine, Dopis advokata H. D. od 14.12.2020. godine u prilogu kojeg se nalazi: kopija punomoći od 17.02.2013. godine, sudsko poravnanje, prijedlog za dozvolu izvršenja od 13.03.2019. godine, rješenje o izvršenju, Općinskog suda V. broj 41 0 lp 077100 19 lp od 15.03.2019. godine, prigovor na rješenje o izvršenju advokat A. Z. od 27.03.2019. godine, odgovor na prigovor od 11.04.2019. godine, rješenja Općinskog suda V. broj 41 0 lp 077100 19 lp od 06.05.2019. godine i 12.06.2019. godine, prijedlog za određivanje izvršenja na novom predmetu izvršenja od 19.06.2020. godine, rješenje o izvršenju Općinskog suda V. broj 41 0 lp 077100 19 lp od 30.06.2020. godine i rješenje Kantonalnog suda Zenica broj 41 0 lp 077100 19 Pž od 14.11.2019. godine, Izvod sa računa "G.T."d.o.o. V. za razdoblje od 01.01.2019. godine do 31.12.2019. godine, Lista prometa partnera, "G.T."d.o.o. V. od 18.10.2020. godine, Kartica dobavljača, „T.“ za 2018. godinu i 2019. godinu, Kartica kupaca "G.T."d.o.o. V. za 2018. godinu i 2019. godinu, Dopis Općinskog suda u Zenici broj 043-0-Reg-22-001849 od 29.06.2022. godine u prilogu kojeg se nalazi: rješenje o upisu subjekta upisa u sudski registar broj 043-0-Reg-07-001861 od 04.10.2007. godine, ugovor o osnivanju društva sa ograničenom odgovornošću broj: OPU-940/2007 od 17.07.2007. godine, izmjena izvornika notarski obrađene isprave broj: OPU-940/2007 od 04.10.2007. godine, izjava T. B. i L.S., rješenje Ministarstva vanjske trgovine i ekonomskih odnosa BiH, broj: 02-2-19-8073/07 od 30.07.2007. godine, rješenje o registraciji broj: 043-0-Reg-12-000181 od 23.03.2012. godine, rješenje Općinskog suda Zenica, broj 43 0 L 182231 20 L od 02.09.2020. godine i rješenje broj 043-0-Reg-21-000611 od 17.06.2021. godine, Izvod iz kaznene evidencije za optuženog MUP S. broj 02/5-2-03-8-2-2043 od 01.06.2021. godine, Troškovnik.

Sud je ovo priznanje krivnje optuženog ocijenio kao jasno, iskreno i nedvosmisleno ničim uslovljeno tako da je priznanje optuženog u saglasnosti sa materijalnim dokazima, naprijed navedenim, u koje je sud izvršio uvid, na osnovu čega van svake sumnje proističe da je optuženi ostvario sva bitna obilježja bića krivičnog djela koje mu se stavlja na teret, odnosno : krivično djelo zloupotreba položaja ili ovlašćenja iz člana 383. stav 1. KZ F BiH.

Po ocjeni suda optuženi je navedeno predmetno krivično djelo učinio direktnim umišljajem jer je bio svjestan svog djela i htio je njegovo izvršenje, a sud je utvrdio da je optuženi prilikom izvršenja krivičnog djela bio uračunljiv, jer predloženim dokazima nije dovedena u sumnju mogućnost optuženog da shvati značaj svog djela i da upravlja svojim postupcima u vrijeme izvršenja djela, te su se u njegovim radnjama stekla sva bitna obilježja bića krivičnog djela zloupotreba položaja ili ovlašćenja iz člana 383. stav 1. KZ F BiH.

Prilikom izricanja krivično pravne sankcije sud je cijenio optuženom L. S. kao olakšavajuće okolnosti činjenicu da je priznao izvršenje krivičnog djela koja mu se stavlja na teret, čime je u mnogome doprinio utvrđivanju činjeničnog stanja i skraćanju krivičnog postupka, kao i okolnosti koje je optuženi naveo u svom iskazu prilikom priznanja krivnje, te činjenicu da optuženi do sada nije ranije osuđivan. Dok je od otežavajućih okolnosti sud nije našao. Cijeneći utvrđene okolnosti na strani optuženog, sud je optuženom Limo Sabriji , za navedeno krivično djelo utvrdio kaznu zatvora u trajanju od 7(sedam)mjeseci, a koja se neće izvršiti ako optuženi za vrijeme od 2(dvije)godine ne počini novo krivično djelo. Po mišljenju ovog suda izrečena sankcija srazmjerna je stepenu odgovornosti optuženog i težini počinjenih krivičnih djela koja mu se stavljaju na teret, te će se istom postići svrha kažnjavanja, kako sa aspekta generalne, tako i specijalne prevencije predviđena članom 42. KZ FBiH.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala 20,00 KM, I troškove postupka u iznosu od 926,65 KM, sve u roku od 30 dana, po pravosnažnosti presude pod prijetnjom izvršenja.

Na osnovu člana 212. stav 3. ZKP FBiH sud je oštećenu firmu "M.I.I."S.A.D. sa imovinsko pravnim zahtjevom uputio na parnični postupak.

Sudija  
A. A.

#### PRAVNA POUKA:

Protiv ove presude dozvoljena je žalba Kantonalnom sudu Zenica u roku od 15 dana po prijemu iste, a žalba se podnosi ovom sudu u tri primjerka.